

**UGOVOR**  
**za nabavku usluge statičara i izrade elaborata o nosivosti konstrukcije prostorija**

između:

1. **USTAVNI SUD BOSNE I HERCEGOVINE** sa sjedištem u Sarajevu, ul. Reisa Džemaludina Čauševića 6/III, kojeg zastupa generalni sekretar Ustavnog suda Bosne i Hercegovine Nataša Vuković (u daljnjem tekstu: **Naručilac usluge**)

i

2. **UNIVERZITET U SARAJEVU - GRAĐEVINSKI FAKULTET**, Patriotske lige br. 30, Sarajevo, kojeg zastupa Prof. dr. Samir Dolarević, dekan (u daljnjem tekstu: **Davalac usluge**)

**Član 1.**

Predmet ugovora je nabavka usluge statičara i izrade elaborata o nosivosti konstrukcije prostorija Naručioca usluge, prema definisanim uslovima iz zahtjeva za dostavu cijene ponude broj SU-08-908/23 od 29. septembra 2023. godine i prema sadržaju ponude broj 04-1-1712-2/23 od 11. oktobra 2023. godine sa kojom je Davalac usluge učestvovao u provedenom postupku nabavke putem direktnog sporazuma.

**Član 2.**

Ukupna cijena za nabavku iz člana 1. ovog ugovora iznosi 5.950,00 KM bez uračunatog PDV-a odnosno 6.961,50 KM sa uračunatim PDV-om.

**Član 3.**

Davalac usluge se obavezuje da će usluge definisane u članu 1. ovog ugovora izvršiti najkasnije 60 dana od dana stupanja ugovora na snagu.

**Član 4.**

Davalac usluge se obavezuje da će posao iz člana 1. ovog Ugovora obaviti na profesionalan i savjestan način, u skladu sa pravilima profesije i zakonskim odredbama iz ove oblasti.

**Član 5.**

Naručilac usluge je dužan u roku od 10 (deset) radnih dana od dana prijema elaborata izvršiti pregled istog, te potvrditi prijem posla bez primjedbi, odnosno, ukoliko smatra da postoje nedostaci i nejasnoće o istim obavijestiti Davaoca usluge.

Davalac usluge će bez odlaganja razmotriti sve prigovore i upite Naručioca i pružiti odgovarajuća pojašnjenja.

## Član 6.

Naručilac usluge se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po prijemu elaborata i fakture bez primjedbi, fakturu proslijediti na plaćanje Ministarstvu finansija i trezora BiH.

Davalac usluge je saglasan da Naručiocu usluge neće zaračunavati kamate za zakašnjenje prilikom plaćanja preko Trezora, ako je Naručilac usluge u ugovorenom roku predao nalog za plaćanje Trezoru BiH.

## Član 7.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

## Član 8.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

## Član 9.

Ovaj ugovor stupa na snagu danom potpisivanja od strane ovlaštenih lica ugovornih strana.

## Član 10.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

**ZA DAVAOCA USLUGE**

**ZA NARUČIOCA USLUGE**

Prof. dr. Samir Dolarević

Dekan

Nataša Vuković

Generalni sekretar

Ustavnog suda Bosne i Hercegovine

Sarajevo, 25. oktobra 2023. godine

Broj: SU-08-908-2/23

31.10.2023  
Broj: 06-1-1217-U/23